

**বীজ প্রত্যয়ন এজেন্সী**  
**www.sca.gov.bd**

### ১.০ প্রতিষ্ঠান গঠনের প্রেক্ষাপট:

বাংলাদেশের প্রথম জাতীয় পঞ্চবার্ষিক পরিকল্পনার (১৯৭৩-৭৮) আওতায় রাষ্ট্রীয় পর্যায়ে বীজের মান নিয়ন্ত্রণকারী সংস্থা হিসেবে ১৯৭৪ সালের ২২ জানুয়ারি বীজ অনুমোদন সংস্থা প্রতিষ্ঠিত হয়। পরবর্তীতে ২২ নভেম্বর ১৯৮৬ তারিখে এর “বীজ প্রত্যয়ন এজেন্সী” নামকরণ করা হয়। প্রতিষ্ঠালগ্ন থেকে সরকারি ও বেসরকারি পর্যায়ে উৎপাদিত ও বাজারজাতকৃত নিয়ন্ত্রিত ফসলের (ধান, গম, পাট, আলু [বর্তমানে আলু ৩১/১২/২০২৩ তারিখ পর্যন্ত অনিয়ন্ত্রিত ফসল হিসেবে বিবেচিত] আখ, মেস্তা ও কেনাফ) বীজের প্রত্যয়ন ও মান নিয়ন্ত্রণে সংস্থাটি গুরুত্বপূর্ণ ভূমিকা পালন করে আসছে। জাতীয় বীজনীতির আলোকে দেশে একটি শক্তিশালী বীজ শিল্প গড়ে তোলার নিমিত্তে এর প্রত্যয়ন সেবার আওতায় রয়েছে বীজ ফসলের জাত পরীক্ষাপূর্বক ছাড়করণ/নিবন্ধন, মাঠ পরিদর্শন ও প্রত্যয়ন, পরীক্ষাগারে ও কন্ট্রোল ফার্মে বীজের মান পরীক্ষণ, প্রত্যয়ন ট্যাগ ইস্যুকরণ, মার্কেট মনিটরিং এবং বীজ আইন ও বিধিমালা লংঘনকারীদের বিরুদ্ধে আইনানুগ ব্যবস্থা গ্রহণ। সংস্থাটির সকল কারিগরী কর্মকান্ড বীজ অধ্যাদেশ ১৯৭৭, জাতীয় বীজ নীতি ১৯৯৩, বীজ আইন (সংশোধন) ১৯৯৭, বীজ আইন (সংশোধন) ২০০৫, বীজ আইন ২০১৮, বীজ বিধিমালা ২০২০ ও জাতীয় বীজ বোর্ডের সিদ্ধান্ত অনুযায়ী পরিচালিত হয়ে থাকে। সরকার কর্তৃক সংস্থার অনুমোদিত নতুন জনবল কাঠামো অনুযায়ী মোট পদের সংখ্যা ৬৩৩। তার মধ্যে বিসিএস কৃষি ক্যাডারভুক্ত পদের সংখ্যা ২৫১। বর্তমান সাংগঠনিক কাঠামো অনুযায়ী দেশের ৭টি বিভাগে ৭টি আঞ্চলিক বীজ প্রত্যয়ন অফিস ও বীজ পরীক্ষাগার এবং ৬৪টি জেলায় ৬৪টি জেলা বীজ প্রত্যয়ন অফিস অন্তর্ভুক্ত রয়েছে।

### ১.২ রূপকল্প:

মানসম্পন্ন বীজের নিশ্চয়তা।

### ১.৩ অভিলক্ষ্য:

উচ্চ গুণাগুণ সম্পন্ন ও প্রতিকূলতা সহিষ্ণু জাতের মানসম্পন্ন বীজ উৎপাদন ও বিতরণে উৎপাদনকারীদের প্রত্যয়ন সেবা প্রদান এবং মার্কেট মনিটরিং জোরদারকরণের মাধ্যমে এর মাধ্যমে বীজের মান নিশ্চিতকরণ।

### ১.৪ প্রতিষ্ঠানের প্রধান কার্যাবলি:

- ১) যে কোন ঘোষিত জাত ও প্রজাতির বীজ প্রত্যয়ন ;
- ২) নিবন্ধিত অন্যান্য জাতের বীজ প্রত্যয়ন ;
- ৩) বীজ প্রত্যয়নের উদ্দেশ্য উৎপাদন, প্রক্রিয়াজাতকরণ, সংরক্ষণ ও লেবেলিং এর পদ্ধতি নির্ধারণ এবং চূড়ান্তভাবে অনুমোদিত বীজের জাত সঠিক কিনা এবং এই বিধিমালার অধীন প্রত্যয়নের জন্য এতে অংকুরোদগমের হার, বিশুদ্ধতার হার, আর্দ্রতার পরিমাণ ও বীজের মানের এরূপ অন্যান্য বৈশিষ্ট্য আছে কিনা, তা নিশ্চিত করা ;
- ৪) কোন জাতের বা প্রজাতির বীজ প্রত্যয়নের জন্য আবেদনপত্র প্রাপ্তির পর বপনকৃত বীজের উৎস বীজ প্রত্যয়ন এজেন্সী কর্তৃক প্রত্যয়নকৃত হয়েছিল কিনা, এই বিধিমালা অনুসারে বীজ ক্রয়ে রেকর্ড আছে কিনা এবং ফি পরিশোধ হয়েছে কিনা তা যাচাই করা ;
- ৫) স্বতন্ত্রীকরণ (Isolation), বিজাত বাচাই (Rouging), যদি প্রয়োজন হয়, এবং সংশ্লিষ্ট জাতের বা প্রজাতির সুনির্দিষ্ট অন্যান্য বিষয়াদির (Factors) ন্যূনতম মান সর্বদা বজায় রাখাসহ বীজ মাঠে প্রত্যয়নের জন্য নির্ধারিত গ্রহণীয় মাত্রার অতিরিক্ত বীজ বাহিত রোগের উপস্থিতি যাতে না থাকে তা নিশ্চিত করতে মাঠ পরিদর্শন করা ;
- ৬) অন্য জাতের বা প্রজাতির বীজের মিশ্রণ ঘটেছে কিনা তা দেখতে বীজ প্রক্রিয়াজাতকরণ কেন্দ্র পরিদর্শন করা ;

৭) মাঠ পরিদর্শন, বীজ প্রক্রিয়াজাতকরণ কেন্দ্র পরিদর্শন, নমুনা বিশ্লেষণ এবং চিহ্নিতকরণ, লেবেলিং, সিলিংসহ প্রত্যয়নপত্র প্রদান সুচারুভাবে সম্পন্ন হচ্ছে কিনা তা নিশ্চিত করা ;

৮) বীজ ব্যবসায়ী কর্তৃক বাজারজাতকৃত বীজের ধারকের সাথে সংযুক্ত লেবেলে বর্ণিত বীজের মান তাতে বিধৃতরূপে সঠিক আছে কিনা তা বাজারজাত পরবর্তী নমুনা পরীক্ষা পদ্ধতি দ্বারা তদারকি করা এবং মান সম্পর্কে সচেতনতা সৃষ্টির উদ্দেশ্যে তার ফলাফল বীজ ব্যবসায়ীগণকে অবগত করা ;

৯) ডিইউএস (DUS: Distinctness, Uniformity and Stability) পরীক্ষার অংশ হিসাবে জাতের চরিত্রগত বৈশিষ্ট্য ও গুণাবলীর কর্মকান্ড (Varietal description activities) পরিচালনা করা এবং সে সকল জাতের কার্যকারীতা পরীক্ষার (VCU: Value for Cultivation and Uses) জন্য সমন্বয় সাধন এবং বিভিন্ন স্থানে পরীক্ষণের ব্যবস্থা করা ;

১০) বিভিন্ন ফসলের বীজের গুণের ন্যূনতম মান, সময় পুনর্বিবেচনা ও অনুমোদনের জন্য সুপারিশ করা ;

১১) প্রত্যায়িত বীজের উৎপাদনে উৎসাহ সৃষ্টির লক্ষ্যে বীজ ব্যবসায়ী ও প্রত্যায়িত বীজের তালিকা প্রকাশসহ শিক্ষামূলক কর্মসূচি পরিচালনা করা ;

১২) প্রত্যায়িত বীজের উৎপাদনের জন্য যে বীজ বপণ করা হয়েছে তা এ বিধিমালার অধীন বপণযোগ্য ছিল কিনা যাচাই করতে প্রয়োজনীয় তথ্য সংরক্ষণ করা ;

১৩) রোগ ও কীট-পতঞ্জের দ্বারা সহজে আক্রান্ত হওয়ার প্রবণতা ও কম কার্যকারীতা (Poor Performance) এর জন্য বোর্ডকে জাত প্রত্যাহারের পরামর্শ প্রদান।

## ১.৫ বীজ প্রত্যয়ন এজেন্সীর উইং ওয়ারী কার্যক্রম:

বীজ প্রত্যয়ন এজেন্সীর পরিচালক এই এজেন্সীর প্রশাসনিক প্রধান হিসেবে দায়িত্ব পালন করেন। বর্তমানে এ এজেন্সীতে মোট ৬৩৩ জন কর্মকর্তা-কর্মচারীর পদ রয়েছে। তন্মধ্যে ২৫১টি পদ বিসিএস (কৃষি) ক্যাডারভুক্ত। বীজ প্রত্যয়ন এজেন্সীতে ৩টি কারিগরী উইং রয়েছে-

ক) প্রশাসন ও অর্থ উইং

খ) মাঠ প্রশাসন, পরিকল্পনা ও মনিটরিং উইং

গ) সীড রেগুলেশন ও মান নিয়ন্ত্রণ উইং

### (ক) প্রশাসন ও অর্থ উইং:

সংস্থার যাবতীয় প্রশাসনিক ও অর্থনৈতিক কার্যাবলী পরিচালনা ও সম্পাদন করা এবং পরিচালক, বীজ প্রত্যয়ন এজেন্সী কে সহায়তা প্রদান করা এই উইং এর দায়িত্ব। অতিরিক্ত পরিচালক এ উইং এর প্রধান হিসেবে দায়িত্ব পালন করেন। প্রশাসন এবং অর্থ ও হিসাব শাখাদ্বয়ের মাধ্যমে এই উইং এর কার্যাবলী সম্পাদিত হয়ে থাকে।

### ১) প্রশাসন শাখা:

-সংস্থার কর্মকর্তা-কর্মচারীদের নিয়োগ, বদলি, শ্রান্তি বিনোদন, সিলেকশন গ্রেড, টাইম স্কেল সংক্রান্ত কার্যাদি সম্পাদন।

-অবকাঠামো রক্ষনাবেক্ষণ এবং যানবাহন ক্রয় ও রক্ষনাবেক্ষণ সংক্রান্ত কার্যাদি সম্পাদন।

-এজেন্সীতে কর্মকর্তা ও কর্মচারীদের দক্ষতা বৃদ্ধির লক্ষ্যে বীজ প্রযুক্তি বিষয়ক প্রশিক্ষণসহ কম্পিউটার প্রশিক্ষণ, অফিস প্রশাসন ও ব্যবস্থাপনা এবং হিসাব বিষয়ক প্রশিক্ষণের ব্যবস্থা করা।

-এজেন্সীর বার্ষিক প্রতিবেদন মুদ্রণ ও নিয়মিত প্রকাশনাসমূহ প্রকাশসহ লাইব্রেরি ব্যবস্থাপনার উন্নয়ন।

-কৃষি মন্ত্রণালয়সহ অন্যান্য মন্ত্রণালয় ও সংস্থার চাহিত রিপোর্টসমূহ প্রণয়ন ও প্রেরণ।

-এছাড়াও এজেন্সীর অন্যান্য প্রশাসনিক কার্যাদি সম্পাদন।

## ২) অর্থ ও হিসাব শাখা:

- সংস্থার বাৎসরিক বাজেট প্রণয়ন এবং অধীনস্থ অফিসসমূহে বাজেট বরাদ্দ প্রদান।
- কৃষি মন্ত্রণালয় ও প্রধান হিসাবরক্ষণ অফিস এর চাহিদা মোতাবেক রিপোর্ট প্রণয়ন ও প্রেরণ।
- কর্মকর্তা-কর্মচারীগণের বেতনসহ আনুষঙ্গিক বিল তৈরি ও সরকারি ট্রেজারি হতে উত্তোলন।
- বিধিমোতাবেক অর্থনৈতিক নিরীক্ষা কার্যাদি পরিচালনা।
- এজেন্সীর বিভিন্ন প্রকল্প ও কর্মসূচিসমূহের অর্থনৈতিক কর্মকান্ড পরিচালনায় সহায়তা প্রদান।

## (খ) মাঠ প্রশাসন, পরিকল্পনা ও মনিটরিং উইং :

এ উইং মানসম্পন্ন বীজ উৎপাদন, বীজের মান নিয়ন্ত্রণ ও পরিকল্পনা এবং মনিটরিং সেবা প্রদান করে আসছে। এজেন্সীর বীজ প্রত্যয়ন কার্যক্রমের আওতায় মাঠ পরিদর্শন ও বীজ পরীক্ষণ এবং পরিকল্পনা ও মনিটরিং কার্যক্রম এই উইং মাধ্যমে পরিচালিত হয়ে থাকে। উইং প্রধান হিসেবে একজন অতিরিক্ত পরিচালক যাবতীয় কর্মকান্ড পরিচালনা করে থাকেন। এ উইং এর তিনটি শাখা রয়েছে। যথা-

### ১) মাঠ প্রশাসন শাখা:

সারাদেশে ৬৪ জন জেলা বীজ প্রত্যয়ন কর্মকর্তার মাধ্যমে মাঠ পরিদর্শন কার্যক্রম পরিচালনা করা হয়ে থাকে। জেলা বীজ প্রত্যয়ন কর্মকর্তার কর্মকান্ড তদারকি ও মনিটরিং এর জন্য দেশের ৭টি অঞ্চলে ৭জন আঞ্চলিক বীজ প্রত্যয়ন কর্মকর্তা রয়েছেন। উল্লেখযোগ্য মাঠ কার্যক্রমের মধ্যে রয়েছে:

- প্রজনন, ভিত্তি, প্রত্যাযিত শ্রেণির বীজ ফসলের মাঠ পরিদর্শন, পর্যবেক্ষণ ও প্রত্যয়ন প্রদান।
- গবেষণা প্রতিষ্ঠান, বিএডিসি এবং অন্যান্য সরকারি ও বেসরকারি সংস্থার বীজ উৎপাদন, বীজ প্রক্রিয়াজাতকরণ, সংরক্ষণ কার্যক্রম মনিটরিং এবং নমুনা সংগ্রহ করে পরীক্ষার জন্য পরীক্ষাগারে প্রেরণ।
- সরকারি মুদ্রণালয় হতে ট্যাগ মুদ্রণপূর্বক সন্তোষজনক ফলাফলের ভিত্তিতে আঞ্চলিক কার্যালয়ের মাধ্যমে সংশ্লিষ্ট জেলা বীজ প্রত্যয়ন কর্মকর্তা কর্তৃক বীজ প্রক্রিয়াজাতকরণ কেন্দ্রে ট্যাগ সরবরাহ নিশ্চিত ও তদারকি করা।
- অনুমোদিত বীজ ডিলার কর্তৃক বিক্রিত বীজের মান সঠিক আছে কিনা যাচাই করার লক্ষ্যে দোকান পরিদর্শন, মার্কেট মনিটরিং ও নমুনা সংগ্রহ করে পরীক্ষাগারে প্রেরণ।
- প্রজনন শ্রেণির বীজের জন্য সবুজ, ভিত্তি শ্রেণির বীজের জন্য সাদা ও প্রত্যাযিত শ্রেণির বীজের জন্য নীল ট্যাগ সরবরাহ ও সংযোজন করার কার্যক্রম তদারকি করা হয়।
- ফসলের Inbreed এবং Hybrid জাতের অঞ্চলভিত্তিক মাঠ মূল্যায়ন কর্মকান্ড পরিচালনা করা।
- Truthfully Labelled Seed (TLS) বা মান ঘোষিত বীজের গুণগত মান যাচাই করা।
- এছাড়াও বীজের মান নিয়ন্ত্রণের জন্য দেশের নদীবন্দর, স্থলবন্দর ও বিমানবন্দরে বিদেশ থেকে আগত বীজের নমুনা পরীক্ষাগারে প্রেরণ এবং ফলাফল সংশ্লিষ্ট রফতানি/ আমদানিকারককে অবহিত করা হয়।

### ২) বীজ পরীক্ষা শাখা:

এ শাখার অধীনে ১টি কেন্দ্রীয় বীজ পরীক্ষাগার, ৭টি বিভাগে আঞ্চলিক বীজ প্রত্যয়ন কর্মকর্তার অধীনে ১টি করে মোট ৭টি আঞ্চলিক বীজ পরীক্ষাগার ও ২৬টি জেলায় জেলা বীজ প্রত্যয়ন অফিসারের কার্যালয়ে স্থাপিত ২৬টি মিনি বীজ পরীক্ষাগার আছে। এসব পরীক্ষাগারে বীজের বিশুদ্ধতা, অংকুরোদগম ক্ষমতা, বীজের আর্দ্রতা পরীক্ষা করা হয়ে থাকে।

এছাড়াও এ শাখা কর্তৃক পরিচালিত বীজ পরীক্ষা সংক্রান্ত অন্যান্য কার্যক্রমের মধ্যে রয়েছে:

- দেশের বিভিন্ন গবেষণা প্রতিষ্ঠান যেমন BRRI, BARI, BINA, BJRI হতে উৎপাদিত ধান, গম, পাট ও আলুর প্রজনন বীজ এবং বিএডিসি, বেসরকারি উৎপাদক ও এনজিও কর্তৃক উৎপাদিত ভিত্তি এবং প্রত্যাযিত বীজের বীজমান পরীক্ষা করে ফলাফল সংশ্লিষ্ট প্রতিষ্ঠানকে অবহিত করা।

- মার্কেট মনিটরিং কার্যক্রমের আওতায় সংগৃহীত সকল প্রকার ঘোষিত ও অঘোষিত ফসলের বীজের নমুনা সংগ্রহপূর্বক জাতীয় ও আঞ্চলিক বীজ পরীক্ষাগারে বীজ মান পরীক্ষা করে ফলাফল সংশ্লিষ্ট ডিলার/উৎপাদনকারী এবং কৃষি মন্ত্রণালয়ের বীজ উইংকে অবহিত করা।
- কৃষি সম্প্রসারণ অধিদপ্তরের অধীন পরিচালিত প্রকল্পসমূহের আওতায় চাষী পর্যায়ে উৎপন্ন বিভিন্ন ফসলের বীজের মান যাচাই করে ফলাফল প্রেরণ।
- কৃষি সম্প্রসারণ অধিদপ্তরের উদ্ভিদ সংরক্ষণ উইং এর অধীনে সংগনিরোধ কেন্দ্রসমূহ কর্তৃক প্রেরিত বিভিন্ন ফসলের বীজের নমুনা পরীক্ষা করে ফলাফল মন্ত্রণালয়সহ সংশ্লিষ্ট সকলকে প্রেরণ করা।
- আন্তর্জাতিক বীজ পরীক্ষা সংস্থা (International Seed Testing Association) এর Referee Sample Testing কার্যাদি সুষ্ঠুভাবে পরিচালনা করা।

### ৩। পরিকল্পনা, বাস্তবায়ন ও মূল্যায়ন শাখা

- ই-কৃষি সেবা ও আইসিটি কার্যক্রম সংক্রান্ত সার্বিক বিষয় তদারকি করা।
- সংস্থার সার্বিক বিষয় বিবেচনা করে প্রস্তাবিত প্রকল্পসমূহের পরিকল্পনা প্রণয়নে ও পরিবীক্ষণ কার্যক্রমের ব্যবস্থা গ্রহন।
- মাঠ পর্যায়ে চলমান প্রকল্পসমূহের বাস্তবায়ন কার্যক্রম নিয়মিত পর্যবেক্ষণ ও তদারকি প্রতিবেদন প্রণয়ন করা।
- চলমান প্রকল্পসমূহের নিয়মিত মূল্যায়ন প্রতিবেদন এবং সমাপ্ত প্রকল্পসমূহের সার্বিক মূল্যায়ন কার্যক্রম পরিচালনা করা।
- বিভিন্ন কর্মসূচি/প্রকল্প বাস্তবায়নের কাজে মূল্যায়ন ও পরিবীক্ষণের ব্যবস্থা তদারকি করা।
- বীজ প্রত্যয়ন এজেন্সীতে কর্মরত সকল কর্মচারীর হালনাগাদ ডাটাবেজ তৈরিকরণ।
- অনলাইন রিপোর্টিং এর ব্যবস্থা চালুকরণ।

### (গ) সীড রেগুলেশন ও মান নিয়ন্ত্রণ উইং

বীজ প্রত্যয়ন এজেন্সী জোড়দারকরণ প্রকল্পের সহায়তায় ১৯৯৫ ইং সালে সংস্থায় জাত পরীক্ষণ কার্যক্রম শুরু হয়। পরবর্তীতে ১৯৯৭ সালে ১২ একর কন্ট্রোল ফার্ম প্রতিষ্ঠিত হওয়ার পর নিয়মিত ভাবে জাত পরীক্ষণ কার্যক্রম বৃদ্ধি পেয়েছে। এছাড়া, ২০০৯ সনে ডিএনএ ফিঞ্জার প্রিন্টিং (DNA finger-printing) এর প্রাথমিক সুবিধাসহ একটি জাত পরীক্ষাগার স্থাপিত হয়। এ উইং এর মূল উদ্দেশ্য হলোঃ নোটিফাইড ফসলের নতুন জাত ছাড়করণে সমন্বয় সাধন ও ছাড়কৃত বিভিন্ন জাতের কৌলিক বিশুদ্ধতা সংরক্ষণ এবং সংশ্লিষ্ট নীতিমালা, আইন, ইত্যাদি প্রণয়ন সংক্রান্ত কার্যাদি সম্পাদন করা। এ উইং এর প্রধান হিসেবে অতিরিক্ত পরিচালক কর্মরত রয়েছেন। এ উইং এর কার্যক্রম সীড রেগুলেশন ও মান নিয়ন্ত্রণ শাখার মাধ্যমে পরিচালিত হয়ে থাকে।

#### ১) সীড রেগুলেশন শাখা:

- সংস্থার বিভিন্ন নীতিমালা ও আইন প্রণয়নসহ কৃষি মন্ত্রণালয় এর নির্দেশনা মোতাবেক নীতিমালা ও আইন প্রণয়নে সহায়তা প্রদান করা।
- সংস্থার আইনগত বিভিন্ন সমস্যা সংশ্লিষ্ট উইংকে পরামর্শ দ্বারা সহযোগিতা প্রদান।
- সংশ্লিষ্ট বিভিন্ন নীতিমালা/ আইনকানুন যুগোপযোগীকরণে প্রয়োজনীয় পদক্ষেপ গ্রহণ করা।

#### ২) মান নিয়ন্ত্রণ শাখা :

- নোটিফাইড ফসলের জাত ছাড়করণ কার্যক্রমের আওতায় উদ্ভাবিত ফসলের ডি ইউ এস (DUS) (Distinctness, Uniformity and Stability) টেস্ট সম্পাদন করা। বীজ বিধিমালা, ১৯৯৮ এর ধারা ৬ অনুসারে বীজ প্রত্যয়ন এজেন্সীর দায়িত্ব হিসেবে এই টেস্টের কার্যক্রম পরিচালিত হয়ে থাকে।
- প্রস্তাবিত জাতের সনাক্তকারী বৈশিষ্ট্যের একটি বর্ণনা (Descriptor) তৈরি করা হয়। এই টেস্টের মাধ্যমে Breeder's Right প্রতিষ্ঠিত হয় এবং ফসলের জাত হনন (Varietal Piracy) থেকে রক্ষা পায়।

- প্রি-পোস্ট কন্ট্রোল ও গ্রো-আউট টেস্ট (Pre-Post Control & Grow-out Test): প্রজনন, ভিত্তি ও প্রত্যাশিত শ্রেণির যে সব লট বীজ পরীক্ষায় অনুমোদিত মানের পাওয়া যায়, সে সব লটের পূর্বগৃহীত নমুনার একাংশ হতে বীজ প্রত্যয়ন এজেন্সী'র কন্ট্রোল ফার্মে ফসল উৎপাদন করে সংশ্লিষ্ট শাখার কর্মকর্তাগণ অফ টাইপ/ বিজাত সনাক্তকরণের মাধ্যমে জাতের কৌলিক বিশুদ্ধতা নিরূপন করেন। অতঃপর ফসলের উপযুক্ত পর্যায়ে মাঠ দিবস অনুষ্ঠান করে ত্রুটিপূর্ণ নমুনা প্লটের লটসমূহ হতে মাঠ পর্যায়ে উৎপাদিত বীজ ফসলের মাঠ প্রত্যয়নকারী কর্মকর্তা এবং বীজ উৎপাদনকারী সংস্থার প্রতিনিধিগণকে সরেজমিনে পরিদর্শনের ব্যবস্থা করা হয় এবং জমিগুলি নিবিড় পর্যবেক্ষণের মাধ্যমে অফটাইপ/ বিজাত রোগিং এর পরামর্শ প্রদান করা হয়। এটি বীজ ফসলের জাতের বিশুদ্ধতা রক্ষায় গুরুত্বপূর্ণ ভূমিকা পালন করে।

- বিভিন্ন অঞ্চলে নোটিফাইড ফসলের উদ্ভাবিত নতুন ইনব্রিড ও হাইব্রিড জাতের মাঠ মূল্যায়ন কার্যক্রম সমন্বয় সাধন ও মূল্যায়ন ফলাফল সংকলন করে প্রতিবেদন, জাতীয় বীজ বোর্ডের কারিগরী কমিটির সভায় ছাড়করণ ও নিবন্ধনের সুপারিশ প্রণয়নের নিমিত্তে উপস্থাপন করা।

## ২.০ প্রশাসনিক

### ২.১ কর্মকর্তা/কর্মচারীদের সংখ্যা (রাজস্ব বাজেটে)

মন্ত্রণালয়/দপ্তর/সংস্থা	অনুমোদিত পদ	পূরণকৃত পদ	শূন্যপদ	মন্তব্য*
১	২	৩	৪	৬
	৬৩৩	৩০০	৩৩৩	
মোট				

\* অনুমোদিত পদের হ্রাস/বৃদ্ধির কারণ মন্তব্য কলামে উল্লেখ করতে হবে।

### ২.২ অন্যান্য জনবল (প্রকল্প, আউট সোর্সিং ইত্যাদি)

মন্ত্রণালয়/দপ্তর/সংস্থা	প্রকল্পের পদ (পেষণ ব্যতিত)	আউট সোর্সিং জনবল	মোট
বীজ প্রত্যয়ন এজেন্সী	-	২	২

- কোন সংলগ্নী ব্যবহার করার প্রয়োজন নাই।

## ৩.০ অডিট আপত্তি

### ৩.১ অডিট আপত্তি (২০২২-২৩ অর্থবছরে অডিট আপত্তি ও নিষ্পত্তির বিবরণ):

ক্র: নং	মন্ত্রণালয়/দপ্তর/সংস্থার নাম	পূর্ববর্তী বছরের আপত্তির জের	বিবেচ্য বছরে উত্থাপিত আপত্তির সংখ্যা	মোট অডিট আপত্তির সংখ্যা	মোট জড়িত টাকার পরিমাণ (লক্ষ টাকায়)	মোট বি/এস জবাবের সংখ্যা	নিষ্পত্তিকৃত অডিট আপত্তি		অনিষ্পন্ন অডিট আপত্তি	
							সংখ্যা	টাকা (লক্ষ টাকায়)	সংখ্যা	টাকা (লক্ষ টাকায়)
১	২	৩	৪	৫ (৩+৪)	৬	৭	৮	৯	১০(৫-৮)	১১
	বীজ প্রত্যয়ন এজেন্সী	২৬	১১	৩৭	১৮৪০.২৪৬৭১	২১	১৬	১০৪১.৫৫৭	২১	৭৯৮.৬৮৮৯
	মোট	২৬	১১	৩৭	১৮৪০.২৪৬৭১	২১	১৬	১০৪১.৫৫৭	২১	৭৯৮.৬৮৮৯

## ৪.০ মানবসম্পদ উন্নয়ন

### ৪.১ প্রশিক্ষণ:

ক্র: নং	প্রশিক্ষণ				
	অভ্যন্তরীণ	বৈদেশিক	ইন-হাউজ	অন্যান্য	মোট
১	২	৩	৪	৫	৬

-	-	২১০	৫৫	২৬৫
মোট	-	২১০	৫৫	২৬৫

### ৪.২ বৈদেশিক সেমিনার/ওয়ার্কশপ/এক্সপোজার ভিজিট:

ক্র: নং	বিদেশ প্রশিক্ষণ			
	সেমিনার	ওয়ার্কশপ	এক্সপোজার ভিজিট	মোট
১	২	৩	৪	৫
		১		১
	মোট	১	-	১

### ৫.০ তথ্যপ্রযুক্তি ও কম্পিউটার স্থাপন

মন্ত্রণালয়/ সংস্থাসমূহে কম্পিউটারের মোট সংখ্যা	মন্ত্রণালয়/ সংস্থাসমূহে ইন্টারনেট সুবিধা আছে কি না	মন্ত্রণালয় / সংস্থাসমূহে ল্যান (LAN) সুবিধা আছে কি না	মন্ত্রণালয়/সংস্থাসমূহে ওয়ান (WAN) সুবিধা আছে কি না	মন্ত্রণালয়/সংস্থাসমূহে কম্পিউটার প্রশিক্ষিত জনবলের সংখ্যা
১	২	৩	৪	৫
৭৫	আছে	নাই	নাই	৯৭

### ৬.০ সরকারি প্রতিষ্ঠান কর্তৃক আদায়কৃত রাজস্ব থেকে সরকারি কোষাগারে জমার পরিমাণ

(লক্ষ টাকায়)

আয়ের উৎস	২০২২-২৩ অর্থবছরে আয় (জমাকৃত)	২০২১-২২ অর্থবছরে আয় (জমাকৃত)
সরকারী কর্মচারীকে প্রদত্ত ঋণের সুদ	০.১২	০.২০
ডরমিটরীর সিট ভাড়া	০.৪৯৫৭	০.৬৯৪৩৬
বীজ প্রত্যয়ন ফি, বীজ প্রত্যয়ন ট্যাগ ফি	৬৮.০৫৯৯৪	৪৯.১০৫১৪
পরীক্ষণ ফি (বীজ পরীক্ষা/পুনঃপরীক্ষা ফি, ফসলের জাত মূল্যায়নের নিবন্ধন ফি ও ডিইউএস পরীক্ষা ফি)	১৭.৪৫৪০১	২০.৬৯১৬৫
সরকারি যানবাহনের ব্যবহার (ব্যক্তিগত)	০.১০২	০.৩৬১
কৃষিজাত দ্রব্যাদি বিক্রি	৫.৫৯৯৯২	৩.১৯১৭৯
বিবিধ রাজস্ব ও প্রাপ্তি (বীজ ডিলার রেজিঃ ফি ও বীজ ডিলার নবায়ন ফি-ইত্যাদি)	৩০.৫৬৭৫৮	২১.৮০৯২৮
মোট=	১২২.৩৯৯১৫	৯৬.০৫৩২২

### ৭.০ প্রতিবেদনাধীন অর্থবছরে সম্পাদিত উল্লেখযোগ্য কার্যাবলি

#### ১. জাত অবমুক্তকরণ/ নিবন্ধন

২০২২-২০২৩ অর্থবছরে মোট ৮০টি নতুন উদ্ভাবিত সারির (ধানের ৬৮টি, গমের ৮টি এবং পাটের ২টি, কেনাফ ১টি, মেস্তা ১টি) DUS test (Distinctness, Uniformity and Stability) সম্পাদন করা হয় এবং মোট ২৩টি সারির (ধানের ২১টি, গমের ২টি) VCU test (Value for Cultivation and Uses) সম্পাদন করা হয়। উল্লেখিত DUS, VCU test এর সন্তোষজনক ফলাফলের ভিত্তিতে এ পর্যন্ত মোট (ধানের ৫ টি, গম ৩টি NSB (National Seed Board) কর্তৃক অবমুক্ত করা হয়।

বীজের গুণগত মানের নিশ্চয়তার জন্য প্রি-পোস্ট কন্ট্রোল গ্রো-আউট টেস্ট পরীক্ষার মাধ্যমে মোট ২২৬১ টি (আমন ধানের ৫৬৪টি, বোরো ধানের ৫৪৮টি, আউশ ধানের ২৭০টি, গমের ৩০০টি, আলুর ৩৯২টি এবং পাটের ১৭টি) বীজ লটের পরীক্ষা সম্পন্ন করা হয়েছে।

২০২২-২০২৩ অর্থবছরে হাইব্রিড জাতের মোট ৬৮টি (আমন ১৬টি, বোরো ৪৬টি এবং আউশ ৬টি) জাতের আঞ্চলিক ট্রায়াল বাস্তবায়ন করা হয়। সন্তোষজনক ফলাফলের ভিত্তিতে এ পর্যন্ত মোট ১২টি (আমন ৪ টি এবং বোরো ৮টি) হাইব্রিড ধানের জাত নিবন্ধিত হয়েছে। (জাতীয় বীজ বোর্ডের ১১০ তম সভা পর্যন্ত)।

## ২. বীজ প্রত্যয়ন:

২০২২-২০২৩ অর্থবছরে বীজ প্রত্যয়ন এজেন্সী কর্তৃক মোট প্রত্যয়িত বীজের পরিমাণ ২,৫৭,৬৬৯ মে. টন

## ৩. বীজ পরীক্ষা:

২০২২-২০২৩ অর্থবছরে নোটিফাইড ও নন-নোটিফাইড ফসলের বিভিন্ন জাতের সর্বমোট ১৭,৫৮৪ নমুনার বিশুদ্ধতা, আর্দ্রতা ও অংকুরোদগম পরীক্ষা সম্পন্ন করা হয়েছে।

## ৪. প্রত্যয়ন ট্যাগ বিতরণ:

২০২২-২০২৩ অর্থবছরে ধান, গম, আলু ও পাট এই ৪টি নোটিফাইড ফসলের ২৯,০৪১ টি প্রজনন, ৭৮,০৯২টি প্রাক-ভিত্তি, ৭৮,৮৪,৪৭৮ টি ভিত্তি ও ১,৩৮,২২,১৮২টি প্রত্যয়িত সহ মোট ২,১৮,১৩,৭৯৩ টি ট্যাগ বিতরণ করা হয়েছে।

## ৫. বীজ ফসলের মাঠ পরিদর্শন কার্যক্রমের প্রতিবেদনঃ

২০২২-২০২৩ অর্থবছরে মাঠ প্রত্যয়নকৃত জমির পরিমাণ ৫৯,২৪৪ হেক্টর।

## ৬. মার্কেট মনিটরিং প্রতিবেদন:

২০২২-২০২৩ অর্থবছরে বীজ প্রত্যয়ন এজেন্সী কর্তৃক মার্কেট মনিটরিং এর মাধ্যমে মোট ৮,৬৬২টি নমুনা সংগ্রহ এবং পরীক্ষা করা হয়েছে ।

## ৭. আইসিটি ক্ষেত্রে উন্নয়ন:

- সংস্থার সার্বিক বিষয় বিবেচনা করে প্রস্তাবিত কর্মসূচি ও প্রকল্পসমূহের পরিকল্পনা প্রণয়ন ও পরিবীক্ষণ কার্যক্রমের ব্যবস্থা গ্রহণ করা ।
- ই-কৃষি সেবা ও আইসিটি কার্যক্রম সংক্রান্ত সার্বিক বিষয় তদারকি করা ।
- মাঠ পর্যায়ে চলমান কর্মসূচি ও প্রকল্পসমূহের বাস্তবায়ন কার্যক্রম নিয়মিত পর্যবেক্ষণ ও তদারকি প্রতিবেদন প্রণয়ন করা ।
- চলমান প্রকল্পসমূহের নিয়মিত মূল্যায়ন প্রতিবেদন এবং সমাপ্ত প্রকল্পসমূহের সার্বিক মূল্যায়ন কার্যক্রম পরিচালনা করা ।
- বিভিন্ন কর্মসূচি/ প্রকল্প বাস্তবায়নের কাজ মূল্যায়ন ও পরিবীক্ষণের ব্যবস্থা তদারকি করা ।
- বীজ প্রত্যয়ন এজেন্সীতে কর্মরত সকল কর্মচারীর হালনাগাদ ডাটাবেস তৈরীকরণ ।
- অনলাইন রিপোর্টিং এর ব্যবস্থা চালুকরণ ।

## ৮.০ প্রকাশনা :

২০২১-২০২২ অর্থবছরে ধান বীজ প্রত্যয়ন এজেন্সীর বার্ষিক প্রতিবেদন , লিফলেট (বীজ প্রত্যয়ন এজেন্সীর কার্যক্রম) এবং লিফলেট (কেন্দ্রীয় বীজ পরীক্ষাগারের পরিচিতি) প্রকাশ করা হয়েছে।

## ৯.০ উন্নয়ন প্রকল্প ও কর্মসূচি সংক্রান্ত

৯.১ প্রতিবেদনাধীন অর্থ বছরের দপ্তর/সংস্থাওয়ারী কর্মসূচিসমূহের বরাদ্দ, অর্থ ছাড় ও ব্যয় (জুন/২৩) এর হিসাব বিবরণী:

(লক্ষ টাকায়)

ক্র:ম:	কর্মসূচির নাম	মেয়াদকাল	কর্মসূচির মোট বরাদ্দ	২০২২-২৩ অর্থ বছরের কর্মসূচিসমূহের বরাদ্দ, অর্থ ছাড় ও অগ্রগতি						জুন/২৩ পর্যন্ত ক্রমপুঞ্জিত ব্যয়		
				বরাদ্দ	মোট ছাড়কৃত অর্থ	জুন/২২ পর্যন্ত ব্যয়	ছাড়কৃত অর্থের অগ্রগতি (%)	বরাদ্দকৃত অর্থের অগ্রগতি (%)	ভৌত অগ্রগতি (%)	সর্বমোট ব্যয়	আর্থিক অগ্রগতি (%)	ভৌত অগ্রগতি (%)
১	২	৩	৪	৫	৬	৭	৮	৯	১০	১১	১২	১৩
	নিম্ন উৎপাদনশীল ধান ও গম জাত প্রত্যাহারের জন্য জাত পরীক্ষণ কর্মসূচি	সেপ্টেম্বর/ ২০২০ থেকে জুন /২০২৩	২৪৭.৫৮	২২.৮৯	১৭.২০	১৭.০৯৯	৯৯.৪%	৭৪.৭%	১০০%	৫০.৩৫%	২০.৩৪	৬০%

### ৯.২ সাব কার্যক্রমের ২০২২-২৩ অর্থ বছরের বরাদ্দ, অর্থ ছাড় ও ব্যয় (জুন/২৩) এর হিসাব বিবরণী

(লক্ষ টাকায়)

ক্র:ম:	সাব-কার্যক্রমের নাম	মেয়াদকাল	সাব-কার্যক্রমের মোট বরাদ্দ	২০২২-২৩ অর্থ বছরের সাব-কার্যক্রমসমূহের বরাদ্দ, অর্থ ছাড় ও অগ্রগতি						জুন/২৩ পর্যন্ত ক্রমপুঞ্জিত ব্যয়		
				বরাদ্দ	মোট ছাড়কৃত অর্থ	জুন/২১ পর্যন্ত ব্যয়	ছাড়কৃত অর্থের অগ্রগতি (%)	বরাদ্দকৃত অর্থের অগ্রগতি (%)	ভৌত অগ্রগতি (%)	সর্বমোট ব্যয়	আর্থিক অগ্রগতি (%)	ভৌত অগ্রগতি (%)
১	২	৩	৪	৫	৬	৭	৮	৯	১০	১১	১২	১৩
১.	মোট: সাব কার্যক্রম:											

### ১০.০ অবকাঠামো উন্নয়ন (অবকাঠামো উন্নয়ন কর্মসূচি ও বাস্তবায়ন অগ্রগতির বিবরণ, সংশ্লিষ্ট অর্থবছরে (২০২২-২৩) বরাদ্দকৃত অর্থ, ব্যয়িত অর্থ, লক্ষ্যমাত্রা এবং লক্ষ্যমাত্রার বিপরীতে অর্জিত অগ্রগতি)

ক্রম	প্রকল্পের নাম ও প্রকল্পের মেয়াদ কাল (যে সকল প্রকল্পে অবকাঠামো উন্নয়ন অন্তর্ভুক্ত আছে)	আরএডিপি বরাদ্দ ২০২২-২৩ (কোটি টাকায়)	অগ্রগতি (কোটি টাকায়) (জুন ২০২৩ পর্যন্ত)		প্রকল্পের অবকাঠামো কার্যক্রমের লক্ষ্যমাত্রা/অগ্রগতি (২০২২-২৩ অর্থ বছর)		
			আর্থিক (%)	বাস্তব (%)			
১	২	৪	৫	৬	৭		
১.	বীজ প্রত্যয়ন কার্যক্রম জোরদারকরণ (২য় সংশোধিত) প্রকল্প (জুলাই ২০১৮-জুন ২০২৪)	১৩.৫৩	১১.৩৬৮	৯৮%	বিবরণ	লক্ষ্যমাত্রা	অর্জন
					১) প্রধান কার্যালয় ও জেলা বীজ প্রত্যয়ন অফিস ভবন নির্মাণ	১৪ টি	১৪ টি (ভৌত অগ্রগতি ৯৮%)
					২) বীজ নমুনা গ্রহের মাধ্যমে বাজার পরিবীক্ষণ	৮৬২ সেট	৮৬২সেট (১০০%)
					৩) প্রশিক্ষণ	৮৩ ব্যাচ	৫৪ ব্যাচ (৬৫%)
					৪) গ্রো-আউট টেস্ট মাঠ দিবস	৩ টি	৩টি (১০০%)
					৫) সেমিনার	৭ টি	৭টি (১০০%)



১১.০ জাত ও প্রযুক্তি তথ্য

১১.১ উদ্ভাবিত ও অবমুক্তকৃত জাতের তথ্য (ইনব্রিড):

প্রতিষ্ঠানের নাম	উদ্ভাবিত ও অবমুক্তকৃত জাতের সংখ্যা	জাতের নাম	জাতের বৈশিষ্ট্য
ব্রি	৪	ব্রি ধান১০৩ BR(Bio)8961-AC26-16	দানা লম্বা ও চিকন, ডিগ পাতা খাড়া
		ব্রি ধান১০৪ (BR8862-29-1-5-1-3)	প্রিমিয়াম কোয়ালিটি সুগন্ধী জাত চালের আকৃতি লম্বা ও চিকন (৭.৬৮মি.মি) ডিগ পাতা খাড়া, অ্যামাইলোজ ২৯.২%
		ব্রি ধান১০৫ (BRC266-5-1-1-1)	লো জিআই গুণ সম্পন্ন জাত (৫৫.২০)
		ব্রি ধান১০৬ (BR8781-16-1-3-P <sub>2</sub> )	অলবণাক্ত জোয়ার ভাটা এলাকা জন্য উপযোগী, ঝরে পড়া সহনশীল, ধানের দানা মাঝারি মোটা
বিডাল্লিউএমআরআই	১	বিডাল্লিউএমআরআই গম৪ (BAW1290)	মরিচা রোগ ও পাতায় দাগ রোগ প্রতিরোধী, জাতটি খাটো হওয়ায় সহজে হেলে পড়ে না
এসিআই	২	এসিআই গম১ (ASRBC/0037/1)	এ জাতের দানায় প্রোটিনের পরিমাণ ১৩.২% এবং গ্লুটেনের পরিমাণ ৩২.০২%
		এসিআই গম২ (ASRBC/0020/2)	প্রোটিনের পরিমাণ ১২.৯% এবং গ্লুটেনের পরিমাণ ২৮.৯%
বিজেআরআই	২	বিজেআরআই কেনাফ৫ KBL-155 (1)	অন্যান্য জাতের তুলনায় জাতটিতে কাঁটা কম হওয়ায় সহজে ফসল কর্তন করা যায়
		বিজেআরআই তোষাপাট৯ (0-043-7-9)	বিজেআরআই তোষাপাট৮ এর চেয়ে জাতটি লম্বা
বিনা	১	বিনা ধান২৬ (IR57515 TMI-8-1-SRM-1-1)	দানা লম্বা চিকন
এসিআই	১	এসিআই ধান১	জিংক সমৃদ্ধ জাত (২৪.৮ মিগ্রা/কেজি)
	১১		

## ১১.২ নিবন্ধিত জাতের তথ্য

প্রতিষ্ঠান	নিবন্ধিত জাতের সংখ্যা	জাতের নাম	বৈশিষ্ট্য
১	২	৩	৪
এসিআই	৩	এসিআই হাইব্রিড ধান১৪ (Qyou6)	ধানের দানা মোটা
		এসিআই হাইব্রিড ধান১৫ (AH3)	ধানের দানা লম্বা ও চিকন
		ACI হাইব্রিড ধান১৬ (minishail)	চাল চিকন
মাহিকো বাংলাদেশ প্রাইভেট লিমিটেড	২	মাহিকো হাইব্রিড ধান৬ (RXEL-35)	ধান মাঝারি মোটা
		মাহিকো হাইব্রিড ধান৮ (MRP-5409)	চাল মোটা
ব্র্যাক	১	ব্র্যাক হাইব্রিড ধান২০ (BHR085) (shakti04)	ডিগ পাতা চওড়া, শীষ উপরের দিকে থাকে
সুপ্রীম সীড কোম্পানী লিমিটেড	২	সুপ্রীম হাইব্রিড ধান১৪ (Heera14) (SHD-9549)	ডিগ পাতা খাড়া এবং সবুজ, চাল চিকন
		সুপ্রীম হাইব্রিড ধান১৫ (Heera15) (PAN8385)	চাল চিকন
এসিআই এগ্রোলিংক লিমিটেড	১	এসিআই এগ্রোলিংক হাইব্রিড ধান২ (Q58)	দানা মোটা
ফার্মার্স সীড কোম্পানী লিমিটেড	১	ফার্মার্স হাইব্রিড ধান১ (Xiangyou-98)	চাল মাঝারি মোটা
ব্রি	১	ব্রি হাইব্রিড ধান৮	চাল লম্বা ও চিকন
থ্রি এস এগ্রো সার্ভিসেস লিমিটেড	২	থ্রিএসএগ্রো হাইব্রিড ধান৩ (CUU DA VHE S01)	চাল মোটা
		থ্রিএসএগ্রো হাইব্রিড ধান৪ (CUU 2009)	চাল মোটা
আমেরিকান এডভান্সড এগ্রো লিমিটেড	১	আমেরিকান এডভান্সড এগ্রো হাইব্রিড ধান১	চাল চিকন
অসবাংলা এগ্রো লিমিটেড	১	অসবাংলা হাইব্রিড ধান১	চাল মাঝারি মোটা
মোট	১৫		

**১২.০ কৃষিখাতে টেকসই উন্নয়ন অভিষ্ট (এসডিজি) বাস্তবায়নে কার্যক্রম:** টেকসই উন্নয়ন অভিষ্ট (এসডিজি) এবং অভিষ্ট-২: ক্ষুধার অবসান, খাদ্য নিরাপত্তা ও উন্নত পুষ্টিমান অর্জন এবং টেকসই কৃষির প্রসারে বীজ প্রত্যয়ন এজেন্সী ২০৩০ সাল পর্যন্ত বাস্তবায়নের নিমিত্ত ০৮টি প্রকল্প গ্রহণের কর্মপরিকল্পনা তৈরী করেছে। তন্মোধ্য বীজ প্রত্যয়ন কার্যক্রম জোরদারকরণ” শীর্ষক ০১টি প্রকল্প চলমান আছে যার প্রকল্প ব্যয় ৬৮০৩.৫০ লক্ষ টাকা।

**১৩.০ বাংলাদেশ ব-দ্বীপ পরিকল্পনা-২১০০ বাস্তবায়নে গৃহীত কার্যক্রম:** টেকসই উন্নয়ন অভিষ্ট বাস্তবায়নে গৃহীত পরিকল্পনাসমূহ বাংলাদেশ ব-দ্বীপ পরিকল্পনা ২১০০ বাস্তবায়নে সহায়ক ভূমিকা পালন করছে।

**১৪.০ ভিশন ২০৪১ এর আওতায় গৃহীত কার্যক্রম:** ভিশন ২০৪১ বাস্তবায়নে বীজ ফসলের জাত ছাড়করণ ও নিবন্ধন প্রক্রিয়ার আধুনিকায়নের অংশ হিসেবে Online Disinctness, Uniformity & Stability (DUS) Test Application Software প্রস্তুত করেছে যার মাধ্যমে প্রাথমিকভাবে DUS বিশিষ্টের ভিত্তিতে জাতের স্বাতন্ত্র্যতা নির্ধারণ করা যাবে।

**১৫.০ ভবিষ্যৎ পরিকল্পনা:**

- (ক) দক্ষ জনবল বৃদ্ধিতে সাংগঠনিক কাঠামোর পুনর্বিদ্যাসের মাধ্যমে বীজ প্রত্যয়ন এজেন্সীকে বীজ প্রত্যয়ন অধিদপ্তরে রূপান্তর করা।
- (খ) বীজ ফসলের মাঠ পরিদর্শন এবং বীজের বাজার পরিবীক্ষণের জন্য পর্যাপ্ত জনবল নিয়োগ এবং যানবাহন ক্রয়ের ব্যবস্থা গ্রহণ।
- (গ) কেন্দ্রীয় বীজ পরীক্ষাগারকে আন্তর্জাতিক মানের এবং আঞ্চলিক ও জেলা পর্যায়ে বীজ পরীক্ষাগারসমূহকে জাতীয় মানের পরীক্ষাগারে উন্নীত করা।
- (ঘ) আন্তর্জাতিক মানের বীজ পরীক্ষা পদ্ধতি ও বীজের গুণগতমান নিয়ন্ত্রণে মানবসম্পদ উন্নয়ন।
- (ঙ) তথ্যপ্রযুক্তি ব্যবহারের মাধ্যমে দ্রুততম সময়ে বীজ পরীক্ষার ফলাফল ও ট্যাগ প্রদান।